

集部

郵定四庫

全書母演集卷三

詳校官中書臣涂日煥

侍讀臣孫球覆勘

校對官編修臣沈清藻總校官知縣臣終 琪 詹録監 生臣楊

金

大江日日八十二 欽定四庫全書 五言律詩 明まれた 年代 東京ない 製まり が 四演集 成 歌夜月色送樓船 汪水上立馬石城邊羽 明 謝榛 撰

金がでたる 齊魯巡遊地蒼生見紫微晴雲隨鷁舫春水照龍衣柳 年少羽林郎嚴冬較獵忙旌旗開御道劍戟擁長楊飛 劍羣蠻遁彎方百獸驚當年赤帝子空到白登城 畔千官擁沙邊七校圍觀魚移白日鼓吹月中歸 五輦衝寒色蕭蕭八駿鳴兔河冰上過孙嶺雪中行撫 五花馬射來雙白狼中官傳賜酒甲冑拜君王 E

欠己口目 **告會春江曲美人知我心朝遗白玉佩夕贈紫插琴夢** 春草非吾土春宵還自悲庭虚風稍靜蔗捲月何避 漢無天盡交河為日寒不知大宛馬曾復到長安 病兒知樂長吟妻解詩他年學耕稼肯負應門期 **薄伐元中策論兵自古難漢唐順拓地將帥幾登壇絕** 有感 麗情曲 春夜即事 四溴集

龍乘月色山鬼傍松陰颯颯天風起清商滿翠岑 霞憎國色春柳如宫腰不見長門賦傷心有阿嬌 盈盈上陽女愁思起中宵月白璚窓靜花深玉輦遙曉 金好四個有電 吾兒 解逃事露坐一彈琴聲落石崖迴與當秋夜深潭 入楚天遠愁連湘水深刺桐花又落黃鵲斷佳音 春宫詞 清凉山秋夜聽兒元燦彈琴 暮秋對雨感懷

地闊清霜滿林寒赤葉稀野雲秋澹澹山日晚輝輝殺 懷那獨酌世事且高眠悽惻登樓賦誰知王仲宣 山昏雲到地江白雨連天鴻雁寒無賴美容秋可憐放 家住渭橋邊追随俠少年關雞輸實劍逐兔落金鞭日 氣三河動邊聲一騎飛中原多猛士誰解晋陽圍 下長椒陌霜高太白天新從霍驃騎表馬獨翩翻 秋野 俠客行

とこうに こう

四溴集

駐馬洪門夕空堂暑氣祖填煙官樹合寒雨驛燈孤濁 幽期何憚遠秋色满山川月出平林外人行落雁邊水 多员四库全書 村時下馬沙岸夜呼船正有東蘇菊相拼醉裏眼 ·見黃花發孤樽思不勝關河秋後雁風雨夜深燈留 悲王粲交游憶李膺相隨少年子走馬獵韓陵 同宋子純杜約夫晚渡漳河訪李淑東 暮秋即事 宿淇門驛感懷

花留晚計白鳥識幽情為愛嵇中散疏慵是養生 護軒皇鼎靈通太乙泉何由結丹侣共此學長年 早年歸別業髙枕遠浮名樹松孤雲度門前一水橫黃 直上斷岸懸崎嶇一徑緣白雲秋滿壑紅樹老參天神 ていつう 酒即必興悲歌亦壮圖相違舊朋好三徑日荒無 春園 登天壇山 毛侍御仁甫幽居 1.11. 四溟集 ۷5

多玩四届全書 滴官三千里誰憐賈傅才漢江秋月上楚岫夜猿哀心 追來 白鳥柳外出青山此地多些意行歌薄暮還 水村人寂寂運日敞柴關菜甲春初細園丁兩後開沙 地僻青山近庭空白露溥鳴蟬秋共老落木夜多寒惆 事登樓賦年光洛帽臺知君最愁絕湘雁逐春來 鄉書滞疏慵世路難逸思籬下菊兒女不同看 送杜太僕謫荆州 南園秋暮

とこうしいに 並馬尋名寺登高籍短節飛泉鳴古澗落月在寒松石 業十家廢人煙幾處存中途有行子佇目亦銷魂 横邊色斷日沒野陰重旅弩成衰颯誰知阮嗣宗 秋風吹短褐長嘯過居庸贏馬有歸思枯逢無定蹤山 馬度黃雲塞鵬飛白草原兵戈連歲動霜霰入秋繁農 榆林道中言懷 隆慶道中有感 初冬夜同李伯承遇碧雲寺 四演集

多公四庫全書 官舍延星使燈前數舉觞何當添夜漏即復駐春光鴻 送送無城客南歸暫索居沙雲鷗鳥畔江雨稻花初白 路經千轉雲巖復幾重人間多夢寐誰聽上方鐘 髮愁看鏡青山坐讀書漢庭知已在早晚薦相如 雁北來盡關山西去長贈君有芳草歲晏莫相忘 暮春晦夜同馮汝強汝言昆季餞別章行人景 送史徳龍下第歸江都 **南使上黨得光字**

獻賦長為客風塵髻易絲投珠還自惜倚玉幾相知庭 曠生秋早城髙度月遲即同河朔宴定擬竹林期 散髮南樓夜偷然披素襟母聲依草際螢火落牆陰老 又こうえ こう 破當年夢秋生久客心遥思苔石上坐聽美人琴 夏夜集王元美宅同朱伯 鄰瑪汝言吳峻伯徐 禪林寺贈本無上人 夏夜獨坐被襟當風頗有秋意賦此寄懷 汝思李于麟得絲字 四演集

步縣來金界鳴鐘落翠微松陰迴古殿山氣入秋衣身 多好四月百言 亂後相逢日論交半已非謀生雙醫改感舊十年歸帆 水寒逾咽山花晚自妍一樽運傳侣松月向誰圓 向諸天老心從初地歸後期薛難月寧遣夢中違 **仄徑髙盤壁孤峯半揷天人行飛鳥上袖拂落霞邊** 煙中浦琴鳴竹裏扉重來傍燕市霜露滿秋衣 盤山最髙峯遲應瑞伯不至 楊以時復遊都下 澗

欠三日豆 115 駐馬深林下名園兩度遊獨尋花裏徑更上竹西樓池 對汝還成嘆寒更坐轉深異那垂老計春草隔年心蠟 月搖疏影山村出幾枝羅浮遇入夢鄰笛不頻吹 炬明残夜天風破積陰逸掛幾稚子酒罷一長吟 坐有三吳客天寒重所思梅花何處發春信碼江運雪 除夕示兒元炳兼憶元煇諸兒 重過張氏園林二首 夜集有客憶江南梅花 四滨集

草偏依水青山半入樓况逢春酒熟不負嗣宗遊 酌世情速長歌春事殘不知桃李發白首幾迴看 隨處攜鳩杖狂時倒鶻冠晚山當座出風竹滿樓寒獨 鳥閒相語山雲澹不流却思離亂日松菊負髙秋 萬分四月 有電 **晚起正科頭時聞花外鳩出門疎雨歇倚杖斷雲流緑** 曉起 晚過西湖

隠長安樹雲 低太液 池誰能上封事獨有納言知 燕地逢君晚秋來樽酒期桂花相對夜烽火共憂時月 樹藏金界禪燈出翠微他年謝靈運結社願無達 影峰頭盡春寒湖上多漁樵一相見猶為話兵戈 湖色冷春衣沙禽夜尚飛路隨山下轉僧伴月中歸祗 恨望西山路曾經塞馬過重來把楊柳獨立向煙波日 秋夜柬李通政子漸 夜自西湖循魔山同玉峰上人歩歸蘭若

とこうう たる

四溟集

青瑣鄰丹禁天階逼斗樞官雲兼樹冷海月傍簾孙諫 多灰四母全書 草勞深思年華感易祖相逢北來使幾為問邊隅 江海通元氣風雲入浩歌 行人猶未返芳 草欲如何沙 沉惟短褐聚散幾芳筵其惜今宵醉相期動隔年 宦情與客思歲妙共悠然雲暗春前樹山明雪後天浮 秋夜柬張給事仲安 趙王桃易見寄有酒熟花香春未老好 冬夜范憲伯堯卿宅同許憲副子春得天字

學士同樽酒相知老去深青雲司馬賦白日董孤心春 長空月正滿遊騎陆京華夜火分千樹春星落萬家乘 氣浮東閣晴光動上林應憐多病客歸即辟難陰 晚閒凫雁山春秀薜蘿淮南賦招隠悽惻感情多 留别郭學士質夫 **元夕道院同公實子與于麟元美子相五君得家** 字

閒來紮府垂老問丹砂笙鶴歸何處依稀見彩霞

四溴原

欠己の巨人な

金牙四月百十 昔探王屋勝猶憶杖黎初野老窥丹洞山靈遊寶書雲 薊北驚寒食淹留幾自嗟春風來燕子落日在桃花丘 客路多芳草還家春服成交游嗟獻賦妻子問謀生自 雕行邊淚江湖夢裏家不知疏懒客何物是生涯 生苔壁暗松響石壇虚欲訪煙難子茫茫失舊盧 憶王屋山 選鄴二首 寒食旅懷 卷三

免己り戶 ALS 飛關塞雁東接海天雲惆悵春松在寒濤空自聞 登攀絕頂處封禪斷碑文古洞尋丹液秋衣拂紫氛下 追遙囊橐輕詢客本無營久別兒孫大初歸雞犬驚幾 得山林計深知核鳥情一樽吟簿暮風雨閉柴荆 違舊業多事感浮生坐倚中庭樹春風可寄情 登泰山 春同陳即中汝忠登鄴城無寄于鱗子與 四演集

冷蛩邊草霞明雁外天菊花留醉客秋色满離筵 老大交彌重窮愁賦可傳對君猶故國嗟我異當年初 論懷徐幹髙風識李膺薊門芳草路千里興堪乘 山無久客黃菊有歸心我亦悲秋者樽前學楚吟 勝遊隨故侣幽興在禪林石上晴雲起松間晚磬沉青 有客停夥日重城共一登晴煙開北渚春色上西陵中 幕秋東園餞別鄒子序 幕秋大伍山禪院同孟得之 盧次梗醉賦

处足四年 台 枯馳馬地霜冷射鵰天燕趙多豪士論功誰更先 **黄鬚都下子威振北征年萬里能壽國三秋長在邊草**)朝侵榻江聲夜滿樓應懷金馬詔春水送仙舟 眺西山色蒼然風物緊漁樵秋草路雞犬夕陽村積 假淮南去長吟桂樹秋自知班史在還結楚騷流山 野興 寄李殿元子實 寄吳總戎子陽 四溟集

我好回居有量 寒日下西陵漳河晚渡冰孤城歸獵騎雙樹隐禪燈野 曠浮雲色庭虚落葉聲紙應鄰叟過共話薛蘿情 **垂老惟高枕經秋不到城孤吟來鳥雀萬事掩狀荆野** 眺心何遠巖棲老未能翻憐戎馬日愁思坐相仍 水明荒澤間雲度廣原阮宣今已矣沽酒共雜論 晚眺 髙桃 歲暮宴李太守于鱗宅

登覽君何處雲霞滿太和身輕鳥外轉心定虎邊過紫 家何處定多難此身遥國士淹今日應悲強讓橋 為郎殊客禮領郡重予招積雪留孤舘飛鶴動幾宵有 别來吾叟老薊北尚征塵詞賦偏憂國聲名實在人 極飄鐘磬丹梯上薛雄采芝獻帝子靈秀得來多 驅平野霧地轉濁河春俠氣空成嘆荆鄉舊入秦 送别楊中貴使武當

包己日祖 人公司

四演集

共酌憲臺晚揮鶴催賦成旅懷春慘澹吾醫雪分明倚 策馬零陵道關山渺萬重霜明三楚樹雲亂九疑峰宦 春風何太急野水忽波瀾天遠孤鴻落亭虛萬竹寒田 金分口周全書 園殊受静移播久知難百感逢今日蕭條醉裏看 迹驚秋草憂心坐曉鐘佩刀應不負幾為問邊烽 初春侯兵憲舉舜宅同潘别駕時乘賦得明字 送鄴宰石中美轉永州別駕 春日大風集馬雲從園亭有感

醉還成賦同懷豈倦遊望中有漳水解傍點臺流 客子即乘興王孫共倚樓風煙平野夕砧杵異鄉秋半 疏漂泊際心定寂寥中亦有逃禪意明朝過遠公 竹三湘夢披雲五嶽情有人正吹笛風散治梅聲 山城搖落夜感慨幾人同售館殘孤燭秋原老百蟲才 てこりし 登樓晚眺達軒子同賦 幕秋夜東宗上人 秋夜宿東林寺 四演集

聲虚竹院秋色净蓮臺還凝東林約孤笻點月來 飯定四库全書 漢窓前合風濤枕上聞好沽瓜步酒詩思在桜醮 籠中一燈盡籠外幾蛾回夜久僧同話霜明門半開寒 春光在何許客裏只燈花分却梅窓興來尋草舍家夜 **孙絕寒逾逈蒼茫夜不分僧歸依島月龍定縮江雲天** 寒餘卷雪瞋色聚城鴉明日誰同醉應思儘歲華 除夕西巖君見過同酌 次張祐金山寺之韻

とこりこれにから 業浮雲孟新愁芳草生故園春又老黄鳥斷腸聲 **晔餘春雪城髙駐晚霞鄰翁訝疏懶相見問生涯 邀通勘鄉夢歸期隔歲華山川醉襄賦雞大客中家基** 婚嫁了心事翻多千里情閥山渺行色風雨緩歸程舊 送徐生歸臨清 夜過昭覺禪院因憶懶上人同南泉西巖西池 春日書懷 諸丈賦得嗟字 四演集

磬風猶裊雙松月自斜太虚渺無際知是遠公家 事有關天地誰當者述名山林一身重鐘鼎幾人 老堪投社無心自會禪誰為息機者點坐夹基邊 相 重到談經處蕭係人共嗟禪心餘貝葉老眼舒天花孤 金女四個分言 杯中色流泉桃畔聲應憐玉堂月遊宦老方城 約多此事頻來有静緣法雲髙捧月祇樹暗藏天垂 寄孔方伯汝錫 **昭覺禪院同南泉西巖二君賦得天字** へ輕光

濕草間露秋猶天上河王孫共今夕野調付雲和 六月期幽賞銀塘有芰荷詩從年老健情到别時多夜 北斗掛城頭明河逈不流人間清露夜天上白榆秋聚 浦熊崀暗他鄉蟋蟀秋誰知獨醒者平子不同愁 倚閣憐分袂祇園夜尚遊松深孤磬落杯滿數星浮別 七夕敬誠二君餞别得秋字 雲川書齋同雲洲諸文留別賦得多字 次張汝任圓通閣餞別韻

Radio Lilia

四次集

積陰無晚夜雲氣壓城頭雀共凍簷雨人同老樹秋晉 散多歧路悲惟自女牛誰知老來批回首故鄉樓 多分四屋分量 矣鄉關夢悲哉強趙歌不須臨曉鏡空自嘆蹉跎 坐聽蕭蕭急無風池亦波庭花秋幾許窓雨夜偏多老 山何慘色分水亦横流此俗非荆楚鄉心重倚樓 秋日自遣 暮雨 積雨感懷

容邊無節序吟嘯住時同故里皆三徑名園桂幾叢琴 響風前樹苔青雨後階何須學宋玉登眺岩秋懷 眼交仍好黄花節又過離亭獨悵望車馬渡汾河 樽孤夜月朋舊各秋風坐對青山好蒼光瀕氣中 **甘向清時隐無令素願乖存虛饒氣色撥累緩形骸葉** 平子愁能賦予愁更幾何淚中心事盡客裏世情多青 郊送張肖甫 中秋有感

处己日夏·小子

四溴集

東望太行路巉巌幾斷崖易歸千里夢難遣九秋懷夜 銀好四月全書 情疏晚計人事重秋毫我欲棲林壑忘言醉濁醪 色霜明樹寒聲葉滿階著書思趙邸靜掩舊茅齊 應接妨詩與淹留倍旅情别家仍有累浮世豈須名山 無管詩亦告謾說有營勞鳥宿三更轉松凉孤月島客 秋懷 倚樓 無替

とこうえ たら 皓魄将圆夜張燈坐草堂孤城低雨色萬户失秋光笛 吾兒同入都今日汝先歸留滯鄉音改飄零舊業達關 裹闢山瞋樓前煙霧蒼金沒若滿地隨處有壺觞 河通古道風雨暗春衣寄我思親淚西原洒落暉 遠暮霞色林疎秋雨聲此樓非我室愁思度陰晴 三喜 十四夜無月 送兒元炳東還 四溟集

多好四百全世 歌當緑酒逸與在丹梯不見功名客飄然獨杖藜 空林煙火夜茅宇暫幽棲缺月低松杪流星墮嶺西浩 歌舞千年計驚興去不回豪華空四野霸業有三臺水 輕雲自度心遠鶴俱閉幾欲招仙子天風聽珮環 **瑶臺當絕頂乘月一齊攀河嶽憑間外星長拂袖間身** 閱雲仍度沙寒鳥獨來告,花風露裹寂寞為誰開 夜宿齊鎖口 夜登瑶臺

水相迴合間雲自送迎人家隔煙浦燈火望中明 深院飛花急臨風私自哀又看春色老坐使玉顏摧落 地浮生老山林勝會稀不知蟬冕客白髮幾人歸 ノヘインリーマートにす 日落川原逈商歌獨放情千峰連暮色萬木亂秋聲流 古樹敞嚴扉相攜傍翠微興髙松鶴下坐久洞雲飛天 春閨 山晚 同孟懷之錢子青酌白雲洞 四演集

一級 定匹库全書 送爾西江客探奇東嶽峰斷文餘漢石古色有秦松倚 杖海天近聽泉雲聖重金箱関丹訣誰共訪仙蹤 出宫雲外鴉鳴海日初只今彈缺者不為食無魚 月窥琴室流塵上鏡臺窓前有梅樹歲暮待君開 雨歇上林静春歸東閣虚欲煩青鳥使遇寄美人書柳 送吳子遊泰嶽 春歸有感 送周藩王廣文歸錢塘

青山出半天一带迎蒼然亂樹飲秋色寒城更暮煙交 多還投簡客久數登樓喜結淮南侶非關桂樹留 當樽月欲滿良夜故同遊宮闕散清霧星河懸素秋病 長安芳草歇多病賞心達落日三江滿秋風一權歸雨 來寒雁失潮上夜鐘微梁孝懷詞客無勞訪釣磯 苗仲材告別登樓晚郎得天字 月十三夜譚鴻臚子羽第同李太史子冥張 給事異卿其膳部子良賦得秋字

欠已日日上日日

四演集

金好也是有電 許同張翰誰憐滞陸機讀書滄海上燈火映林扉 九月清霜下三江白舫歸芙蓉寒始發鴻雁暮還飛自 惜别京華道秋風送馬啼日斜孤雁外家遠萬峰西歸 游多情老離合幾經年共有登樓賦誰為王仲宣 即樽酒行歌且杖黎何時首陽下共爾吊夷齊 周子才惠菊并酒 送陸秀才歸華亭 送王端甫歸浦坂

たこうし こう **花開驚節序花落轉堪悲物色殊無意春風暗有期蝶** 笳满事撰羽檄度關河遙憶龍庭士嚴霜正荷戈 賞成孤酌吟看信幾回因君與不淺昨遣白衣來 憑高望不極天外一鴻過萬嶺夕陽盡孤城寒色多蘆 迴芳草徑驚度夕陽枝獨有豪華子青樓醉不知 分我名園種迎霜花正開故山有籬落秋色此亭臺坐 落花有感 登榆林城 四演集

銀近四庫全書 鄉春樹外别館夜鐘餘不見磻溪叟終然載後車 風霾起薄暮有客嘆歸數白首循懷刺青山且若書故 西山久不到花鳥向何人風散石崖雪天開湖水春老 僧虚白社騷客負青蘋底事與京陌黃塵滿角巾 北消烽火邊 關罷檄書寒聲惟鳥雀 野色但村墟! 野望 望西山 贈平鄉趙隱君 卷三

雪寒連塞明星晚近樓遥知不寐處併得两年愁 除夕歸期過孤幃嗟未休翻疑冠消息轉便客淹留積 名身後别邊議眼前同枯木惟啼鳥凄其向晚風 Palation Aile 三冬幾烽火諸將亦豪雄月冷胡笳斷雲低漢壘空勲 **禿燒山後崖明帶雪初誰為壽國者雲物渺愁予** 除夕有懷 客居即事 聞岢嵐被兵 四演集 Ī

心猶白鳥逃事且芳樽地勝人多賦青山誰並存 蘸杯中緑凉沾雨後痕鄒枚此同賦勝事即梁園 寒風偃樹天晚雪明樓莫謂常漂泊西來是壮遊 客居何懶慢過午尚科頭老得醫書喜聞增詩債愁春 西車馬路塵外薛蘿園樓迎晴雲合庭間秋州繁素 得南山竹冰霜見出根春流觸自響清影暴何繁色 次宋伯鎮遊王文父西園韻 遊 水竹園孔大同賦

鉛灰四月全書

遷客復行役翩翩向代州塵飛隨宦轍雲暝結邊愁歸 蹄雙樹下語點一燈前欲問無生法衰顏獨慨然 鳥異鄉樹悲笳何處接黃花老山縣相待幾枝秋 廬山在咫尺鐘磬落諸天不到真如地遥看香積煙輪 アノこうこし ノニー 李子田有事代州閩敵犯羊防口幡然歸縣賦此 東林寺夜集不與次西巖君韻 雨後送劉孝夫東歸 寄懷 四京集 十二

多好四库全書 思逢秋色狂歌度老年陰晴如可定早上玉峰颠 夜來雨何急睡起問兒曹秋響門前水寒生樹裏濤素 相見凄凉色孙懷風雨天黄金交易薄清鏡老堪憐馬 不謁金張第相期松桂邊人須今夜酒月朗故鄉天歸 出燕南路家臨濟北田送君一長嘯髙鳥沒蒼煙 居鄰市井老計託風騷好為衝泥去新豐貰濁醪 京師大雨 中秋夜南園同故人酌 卷注

してこうこう ここう 拔羣松勁天成片石奇種旅甘此味還使後人知 薄暮偶乘興開樽非預期野夫偏坐久庭雀故飛運地 路出西山遠城依上黨髙白雲何處望亦日此行勞市 子周封建天臣漢節旌畫遊還洛下氣色滿宮袍 薄暮趙户部良獨官署西園同鄭山人中伯醉 送王給事佐之潞州封王 賦四首 四演集

卸近四庫全書 枝風外裏連葉雨中低我欲盡奇絕明朝還杖藜 子琴樽待山人杖屢過長吟見幽意獨鳥下庭柯 迹 騷雅成幽賞相依古樹叢未論金谷勝真與漆園同宦 園中有亭沿官即得幽棲曲折由人勝深沉使客迷竹 要識為農告官園半畝禾有才知計遠無事閱書多童 風雲轉 四 遠左王程關塞通道君秋夜夢乘月過

情且樽俎世事各風塵醉别王孫去天涯草自春 悲秋仍免苑華髮幾茧新黃菊順催老青山久待人交 遼東 賦思梁宴虚心聽楚謠霜威及續外千里瘴煙消 朔雁催行色江天入望遥旌雅秋草岸船壓夕陽潮有 暮秋集小山王孫第分得新字 送范中丞堯卿鎮贑州 7.11 四演集

多定匹庫全書 邊多白鳥湖上一青山榜子復何處與投紅夢灣 轉三吳盡山連百學迴夜深瞻北斗獨上鬱孤臺 九月處州去天南宿霧開揚帆生遠思東誠見雄才地 興自深坐長歌誰更聞中生今白首無意待玄總 石樹重陰合郊亭逐色分泉飛半空雨江落數峰雲幽 川愿人不到盡日草亭間秋晚樹搖落天髙雲往還沙 題山水圖

室浮雲過周京亂革餘即今蘇季子私合老田廬 雪清相映山雲澹自如大江春水發應有北來魚 難遇通深處眷然峭壁重吟成太室雨坐久少林鐘目 百戰龍蛇定中原舊帝居邙山誰酹酒落日自傳車漢 久宰南都邑鳥臺空薦書詎知人事巧翻使宦情疏梅 宿少林寺同莫陳二秀才 洛陽懷古 寄南都毛明府正之

尺三丁戶 二二

四溴集

Ī

銀灰四周全電 存一 長江折蘆後面壁此高岑祗樹抱巖古法雲垂洞深石 吟燈自對良晤夢先知好共碧简飲荷花香滿池 静即今夜探奇復幾峰還期共禪楊莫負歲寒松 相尋非預期乗興我何遲兩地琴樽夜同懷風雨時光 片影天印萬年心徒使登攀客松風聽梵音 答沈禹文見寄 達摩洞 張德徵汴中見訪僕已過杞兩不相值

とこりえ こう **砂覧匡盧勝衰年惜未能栖逢無俗侣逃寂共憐僧禪** 岸滄波轉霜天赤葉疎世情堪一醉還定海門居 定陷前石心空夜半燈浮圖著靈異昨上最髙層 道淹騏驥秋山老犇蘿趨朝成百感風色動鳴珂 未息吳中戰寧開熊市歌一官身事重長夜國愛多古 有客嘆無魚河亭送别初馬歸梁園路兵阻越鄉書野 静公園借居 送具逸人汝震歸雨東 四溟集

金安四母生書 官曾幾戰壮士莫輕招獨立多悲感江城風晚殿 目極九江水能傳雙鯉魚城當吳楚地天逼斗牛區懷 解官君獨早南北募兵年烽火端屋外雲霞髙枕邊放 羽書飛不絕東望海天遥旗雜廣陵樹兵喧楊子潮材 行野寺垂釣坐江船剩有間園地開池種白蓮 維楊兵後寄張愈憲士直 寄陸太守子部 寄豫章周子乾

告兵間賦春荒戰後田都門運飛較何處泊吳船 聲隨晚權江色照寒衣還醉前中酒春風自掩扉 黄生久不見一見即言歸落葉世情薄浮雲生事微潮 **处三可自在后** 為說江南勝豪華異往年波濤揚子夕風雨秣陵天歲 古雲西駐求賢榻左虚郡齊梅正發歲晚意何如 哀江南八首 送黄隠君南歸 四演集 Ē

我分口用台書 戰馬嘶江上寒生楓樹村新兵五都盡舊業幾家存共 變青山色天構、滄海波飄零國士老長望一悲歌 倚中朝盛誰將上策論梁鴻避世者寧復老吳門 昆明未習戰南伐轉憂深共氣連瓜步人煙斷柘林吳 召募今南討中原羽機過幾年赶策定一戰賞功多家 姬窮海淚照將故闊心何日鏡歌轉着生望提音 匹

ここうい しいり 古來兵不到湖裏洞庭山日慘干戈際雲愁猿鳥間少 江山天設險滿目戰圖秋東海兵停權西風客倚樓朝 心多為漢國計竟全吳野哭徵求盡蒼茫寒月孤 華亭未奏捷烽火更西湖海艦賊來去天兵功有無人 應目武坐士且栖間縱熟黃柑酒雜能長醉顏 <u>5</u> 四滨集 Ŧ

多分四母全書 立空流水長吟但落應結若何日定西職事耕耘 售業成暌遠親朋久失羣百年生長地一片往來雲獨 伐寧無定憑陵信有端遙聞日本使猶自貢長安 **氖 禮頻年動東南盡處看海搖千艦出兵犯七間寒殺** 廷存大體斧鉞繋深憂不信伍南將功成早白頭 過清源故居有感子故居今 屬

蹤猶泛梗世故一浮塵王謝豪華地殊非舊主人 飄零三十春下馬問比鄰相見弟兄老堪嗟門巷新行 髙君柱石計拙我山林應念離居者蟲鳴蔓州深 安平南去道官署在河潯一水風煙色三秋魚鳥心才 影樹中出河流天際平非無感懷賦兩地共秋聲 てこうし にう 見處言别其如南北情君今何水部吾豈謝宣城帆 贈別史郎中應之還張秋 四溴集 克

部立四月至書 登髙有惠遠攬勝即盧山巡事知誰重浮生得此間乾 交仍杖屢遐思各雲天為問齊中俗何人似魯連 相期賦九日倚堪與何饒天若來風雨人應感寂寥長 清霜肅海岱春到野夫邊驟馬勞今日蒼生望有年舊 河明遠色寒柳净疎條更愛東林勝談禪坐此宵 謝劉監察質卿見寄 九日方晦叔同登北城樓兼示真上人二首

人名司通 九十 朱並共把翫聚散復何愁東燭重陽過移樽片月留我 挤同調侣君醉異鄉秋別後多詩興還登何處樓 開樽當節序歸思莫匆匆秋色猶南菊寒聲自北鴻幾 人心迹定萬事古今同曠達真吾輩何如栗里翁 惟舊侣霜露各衰顏莫待黃花老明朝更一攀 酹翁子書見示新作 重九夜吳希實隱君館陪餞君指詩人 四溪集

銀灰四雄全書 洛馬南顧天寒鵰北雅莫令諸俠少爭獵向金徵 旗連夜暗兵甲照江寒選將須史事誰能議築壇 病餘秋思動對月幾吳吟江上多尊莊山中有橘林感 南征秋轉劇不寐夜漫漫白髮퇧虞盡滄洲去住難旌 因為客久情豈在交深安得共耕鑿相期松柏心 漢動霜威巡行久未歸眼中求將畧意外得邊機日 寄塞上路監察子中 暮秋東徐別駕載卿

足己の長上 省中霜葉下百感向斜暉北詢多留滞南征幾是非寸 總罷江南戰憑 高動越吟濤聲翻日暮兵氣結秋陰聽 丹經國遠尺素到家稀共擬孫弘閱無勞說布衣 **復青天遠含香紫霧深世傳修漢史誰識二班心** 老懷 暮秋聞倭怒稍平,寄上南都大宗伯孫公兼懷 太史文和二首 四溪焦

游魏公子懷抱楚騷人好貳滄洲侣相將采緑頻 我只正居有電 能歸異俗幾為問荒田到日梅花發春生五馬前 移官君獨遠惆悵撤離筵山轉荆南路江浮蜀外天自 絲風不定亂雀日相喧我欲從丹侣青山静掩門 殘年百事過閱世復何言多病仍春草全家豈故園遊 五年君一到未是曳裾頻晓發黎陽騎宵探漳浦春交 贈盧次梗 送許殿卿守建寧

議冰霜過才名歲月勞一寒今范叔誰復贈絕袍 誰識豐城級天空紫氣萬老來悲道路醉後益風驗物

黨無文字無歌獨醉狂真違湖海與徒自老黎陽 五十君多感艱危不可忘自知兄弟少寧為鶺鴒傷漢

多病吾仍在沉酣爾邀休相依堪共老永别杳難求伏 哭弟松

欠己日百 Lillin

四演集

岳分口用全世 罷官還舊業應超若書樓沒鶴當庭下溪雲拂檻流獨 臘還新酒風煙豈故丘漳河暮轉急嗚咽正東流 醒風雨後高卧甲兵秋况有東山勝堪追謝傳遊 日身何懶清樽老不空至今城北路隴樹起悲風 吾弟忽長往孤蒐應向東在家憂患過為客去留同白 寄懷徐以言東山在上虞縣西 寄李愈憲師孟

當年客燕市官舍每經過促縣寒燈盡論心夜雨多别 來成老病愁裏問干戈北海開樽日何人共醉歌 燧勞東望干戈甚北征莫教終孺子獨為請長纓 楚客限王程春風遊宦情山連吳地闊天與浙中平 旌節發河陽君行西路長心懸隴上月威帯日南霜入 郡春隨馬談兵秋滿堂于今沒長孺易使覺毛蒼 王元美鎮青山賦此寄懷 劉侍御叔清雅守扶風賦此寄贈

足り 日上

四溴焦

Ŧ

花明古樹燭影動春杯落盡孤城月乘酣車馬回 禪扉夜尚開何意冒寒來好客無餘俸為官不盡才冰 虚清桂密庭迫急松濤詩草人争寫三齊紙價髙 端居何思遠名士亦心勞巨筆凌班史秋懷得楚騷窓 吳人鄭速季入點省兄中伯每談倭冠之亂久 寓居禪院申明府幻川携酒過夜 秋日東方晦叔兩江 而思歸賦此以贈三首

戍多歸雁江城幾落花白頭弟兄在急難復何**嗟** 驅馬來河朔雲愁故國縣干戈旬是養道路酒為家海 空山霧慘地坼海濤寒妻子書難達華亭夢裏看 江南兵未息朝野共憂端戰伐疲吳稅功名老漢官天 遠 我惜吳門客言歸動是哀形容愁裏變離亂死中來家 身猶滞田荒賦幾催時清渡江去長嘯虎丘臺

欠己日·日 Actio

四次集

苦

我只四周全書 北上千秋籙西歸萬里橋黄花空有約緑酒不同宵樹 子猷吾舊好乘興過林扉席外滄波近歌邊白鳥歸浦 百泉聲不斷風雨亂滄沒地接煙嵐迎天開靈秀多古 人餘勝事今代有狂歌為愛蘇門好攜樽共一過 開霽色松日轉春輝學士呼新酒寧教逃事遅 贈 寓晁太史湖亭王樂三見過同酌 湧金亭同龔定甫馬伯齡醉賦 别

处己日年 江西 發朝逸陽雪還家韋杜春客疏門自掩官罷酒相親白 高生月早簷迎接天虚萬戶燈明滅秋光澹自如 短節不到地老子愛樓居徒綺常科髮疏慵肯若書窓 首歌今代青山夢古人行藏不可問獨鶴下西秦 擁秦雲斷山懸蜀棧選艱難杜老在莫謾簡書招 寄李員外秀夫 棲居秋夜 寄懷許伯誠 四演集

夢通秦塞 戡書度漢關登髙不同賦 秋色满河山 濕霜凝草庭喧雀满枝君看燕趙俗豪士豈長悲 蜀客來千里相看慰病顏心馳消息後義重死生問飛 懶交游少才高感慨深遥憐松桂色寂寞華山陰 金万四屋全書 卧 久别誰先老西風雨地心海天來朔雁關月起秋砧性 病勞相問於然意答逐科頭何氣色拊背獨心知地 卧病張肖甫在顧時奉使還蜀 枕上病懷贈陸道丞兼謝枉駕

故國多形勝青山擁萬重溪南歲暮雪石上古時松留 無趙久為客 乘秋鳴棍還獨吟霜月晚幾轉從蘆灣朔 徹秋風樹寒生夜雨燈匡林坐幽寂身似定中僧 久寄青蓮字因之問上乘自知問有味不愧老無能響 雁然心後江城屈指問奇峰三十六天際識黃山 7 送吳君搢歸新安二首 秋夜奇上人禪房獨坐 1. 1.7. 四溴非 美

弘定四庫全書 情逢羽檄世事起商歌獨夜耿無寐星光搖太阿 秋風起鄴城重我故園情林壑居難定漁熊計未成野 君乘舊驗馬西望渺黄河春色關中滿霜威塞上多官 雲隨浪迹村酒脱浮名欲賦多憂思何如阮步兵 客呼新酒敲碁度瞋鐘春來看詩處誰繋野雲踪 有懷 寄懷王子梁鎮鄜州 **秋無月**

宦情與客思藏幕共悠然雲暗春前樹山明雪後天浮 連宵雨太急仙桂失清芬四野明秋水孤城亂暮雲陰 僻隐狐兔園荒迷草來主人久不到黄菊向誰開 背郭茅亭子縣鑣薄暮來田夫掃選罷庭雀出墻回地 睛何處定悲樂此時分不見山河影笙歌空自聞 沉惟短褐聚散幾芳筵其惜今宵醉相期動隔年 謝子明別業對酌 冬夜范憲伯堯卿宅同許憲副子春得天字

とこのまからう

山滨集

為客不知久同懷相見頻河山偏入賦風俗更留人鏡 部分四月全書 世事底相迫人間誰獨醒行歌仍白石把閱且黃庭山 裏雙愁髻燈前一病身菊花零露滿秋色幾枝新 **逈雲時出天馬霜夜零装施無久色松柏向人青** 爾居吾舊業吾弟久相依往事今誰好浮生會自稀河 可嘆 過故居留别王南村先生 久客

幾欲登仙閣年來筋力衰山青不在眼雲白更依誰碧 亭即别酒桑梓共斜暉百感願常健然心殊不達 **苦雨萬家愁寧言客滞留蛙鳴池水夕蝶戀菜花秋天** 地惟孤館寒暄一敝裘須更古今事何必嘆蜉蝣 苦雨後感懷 嘉靖癸卯歲曾寓道院屢登玉清閣以發吟興 於今二十七年矣衰頹且病竟不獲一登漫成 小詩以志感嘆云爾

文三日in Ail

四演集

둦

金万四周多書 海三山夢瑶臺萬里期老夫仍世界且報木公知 俗身難定浮生彎易華仙人不可見何處問丹砂 去去已言倦秋天翦正花陰晴客在路南北雁為家溥 我仍浪迹轉調是勞歌一誦 鷦鷯賦歸數向薛難 村家農事畢積雨漫成河白聚野凫淨紅垂秋柿多年 孟縣道中 夜雨徐明府子研枉駕旅寓

會偏傾倒餘生幾嘯歌相期共逃事城市有煙難 堂上琴樽設門前杖優過壘山成地秀種前得秋多住 潤苔含雨庭間南占秋還憐竹西月移席整觥籌 冒雨一來與僕夫應畏難交從今夕定情自故鄉看城 離合半生夢招呼三逕游都中惟病客洛下幾名流石 **逈鐘相隔槐疎鳥共寒攜樽慰旅况馮鋏不須彈** 暮秋夜集劉兵憲子禮宅賦得秋多二字 四次集 芜

也己口自 Min

靈源噴薄處並駕遠看來野鳥夕争下山花寒自開流 席 觴幾曲水倚杖半巖苔秋興能同賦誰齊潘岳才 醉飛鶴促題詩翦燭看晴明復何處搖落感秋殘 多分四月分書 畔幽芳合相留客盡數天將雨色暝夜使菊花寒取 幕秋夜雨同温純甫方敏之集吕子性書齋對 同鮑叔愚鄧廷獻二明府同觀太乙泉流觞 山縣久雨感懷 菊

てこうこ ここう 飛旌向何許深入萬松煙草濕雲邊徑山昏雨外天與 萬枕奚童報知君胃雪來陰晴門外變騷雅卧中裁寒 雲像失峰密林深鳥自安山城七日雨客舍九秋寒緑 色侵衣濕冰花著樹開于今誰有賦方見謝家才 酒愁邊盡黄花醉後看癡兒問行路不道僕大難 窮勝迹政美見豐年誰識君侯意臨風一慨然 初秋同劉兵憲叔清游五龍山值雨得天字 謝仲川雪中見過時子未起 四溴集

幕駐秋色金杯浮晚香主人益多珍詎敢傲飛霜 與風鳴樹天清月在 杯共言令子建八斗不凡才 培養鄰三徑移來殿萬芳餘花自風景幽意合柴桑繡 為愛雲山色憑高望幾回孤吟方露下百感復秋來夜 日落寒城閉天空倦鳥歸髙樓纔瞑色新月亦清輝秋 敬軒誠軒携酒見過西嚴西池同賦 次潘王殿下秋夜小酌之韻 過西池書齊貴菊

彭定四库全書

明分夜色松響亂寒濤更話睢中事憂端在二毛 聲連卷動月色滿城寒歲晚梅花發誰同雪裏看 使君重惠遠頻往興逾高共欲參禪妙何心索句勞霜 眼前期不定萬事遠期難酒熟山人過詩成蠟炬殘拆 興殿人賦鄉心客子衣王門豈無事載酒過玄暉 同程太守子晉過昭覺禪院 冬夜過雲洲翁留酌因赴西池君不果 十六夜同南卷翁遊昭覺禪院醉筆湧書

Palone like

四演集

多灰四月分書 雲愁色裏獨樹淚邊春今夕應無寐啼鳥莫傍人 君逢初度日閉户正思親緑酒誰開甕班衣自積塵斷 歌燕俠志醒醉楚騷情當代能多賦應齊勒鼎名 席鐘聲度當杯月影團明年曠顏色勝景憶同看 客子來金界王孫駐玉鞍春通九衢夕風閃萬燈寒改 **逃齊幾翦燭相與話深更户牖敞虚白星河懸太清悲** 夜遇達軒同仁軒分得清字 春日東李之茂

曾賦南陽勝登臨諸葛盧宦情歸舊業老計著何書髙 愁醒醉裏臘味有無間何限王門酒能滋衰老顏 枕浮雲過孤樽落月虚帝京多故侣谁復問閒居 太行三晉路留滞幾書墨亭館仍春雪雲霞豈故山客 とこりられ ここう 東栗別駕道甫 雨中過昭覺禪院同雲洲丈敬誠二君賦得多 謝敏軒惠酒 字 四溪集

多分四母全書 幾日達禪宇遙聞鐘磬音誰同賦詩興自定夹基心雨 不辞冒風雨地勝此經過選滑人留迹林寒鳥在柯疏 髙斷鐘響野曠溢河流 東燭貴公子仍 躭金谷游 歇亭臺與煙含花竹深眼前幽意足清曠亦山林 在緣醉甚老病得間多更欲尋禪侣青山共辟難 西來一片雨處作萬家秋寒逼今宵夢聲牽故國愁城 暮雨有感 東南泉君園居


轉仍呼酒參橫尚駐驂重來賞音處感舊對何戡 **隔院共風雨誰家秋意多簷前走霹靂門外散江河** 聲空巷陌池影截天河今日頻相接寧忘最後過 樓高仍綺席月朗亦金波垂老酒杯倦先秋詩興多析 月白池臺逈徴歌客共酣名花出山右春色似江南狷 驟雨東西岩君 園亭月下觀妓分得戡字 過誠軒君賦得登樓對月得河字

2210 - Cal

四沒其

國玩匹庫全書 識在來道雲通南北天憶君池上月應負幾回圓 滞人扶杖凄凉鳥在柯應思折簡夜來月幾經過 偶過設芳筵相留花竹邊離聲楚詞賦行紀晉山川馬 行經百度水私是一章河不畏奔騰急其如轉折多出 **山通遠脉兼雨作洪波偏入曹劉賦東流鄴下過** 漳河有感 栗仁南園亭餞別得天字 寄李學憲于鱗

想古人在行看秋草深千年白雪調誰和郢中音 又 2. 10 . 2. 1.15 西盡三秦勝拂衣歸故林搜詩慘淡色逐世寂寥心坐 四演集 器



欽定四

西集部

詳校官中書臣涂日煥 侍讀臣孫球覆勘

校對官編修臣沈清藻總校官知縣臣繆 琪 曆録監生臣陳

異

とこうう 1.1. 除夕酌主抑之宅其子易從易知侍側 ころとうと経りは産りの 四溴集 Section Section 歲侵疲郡邑時議到漁樵雲 後幾度望楓橋 明 謝榛 撰

暗梁園樹江空鄂渚城不聞王粲賦愁絕滞南荆 十日九彈鉄留君竟此行鄉心急歲抄客計緩平生雪 旅况乘時切年華隔夜新棒觴君二子彈鋏我孤身地 松桂兔園秋誰從帝子遊清風聞玉笛夜月見瓊樓旅 得青山賦天留白髮人誰為歲寒侣松老見龍鱗 雁復南下官河長北流應懷謝莊賦吾意老滄洲 寄上趙王枕易殿下 送程子仁之楚

金万四月全十日

月身還健風雲計自疏瓊筵多勝事詞客復何如 望望三秋雁誰傳上國書氣横龍剱外天逐鳳簫餘歲 關山月 寄崔岱屏都尉

皎皎長空月星河半有無光連玉關静寒傍雪山孤沙 惟時樓斷林缓夜嘯呼征人增百感把剱立平燕 明 妃詞

見記回言 からう

鳳闢虚歸夢龍城重遠愁黃沙連塞起黑水入荒流淚

四演集

年少姚遊俠長來白鼻驅連翩金勒響婀娜玉鞭斜然 盡琵琶夜魂消厭藥秋誰憐萬里外風雪滿貂裘 金牙四月全世 楊柳正啼鶯楊花飛滿城春風天外去落日海西明逸 氣搖金轡豪華歷玉京不知遊蕩子曾念百年情 陌嘶芳草青門踏落花鳴弓飛鳥墮巧提萬人誇 白鼻騧 春閨詞 晚過李子復餞別

聞丹鼎外月在法雲西相送還成笑分明過虎溪 蟲依草樹孤鳥度河山世路黄金盡秋風一剱還 客幽期過悲秋白髮生菊花誰共釆風雨獨含情 勾漏辭官早丹砂不易成門閒二水合天遠一鴻輕為 攜 樽同此夕雲月 有無間曠達騷人意凄凉遊子顔亂 二島多道氣來夜訪幽棲瑶草元無種青連不染泥鶴 同朱道士通上人夜談因送予歸賦此 寄懷蘇廷珪先生 四溴集

プインフラン

-1.7

老下榕葉沙寒鳴翠禽賦成應有寄惆悵嶺雲深 多病言歸去孤舟抵素琴海天南盡處燕闕北來心秋 取 **役訪桃源去先看獨樹春無言當今節有色净風塵不** 多定匹库全書 百歲形骸役吾生何浪遊寒蛩知静夜老菊見髙秋海 傾壺醉其如滿眼新仙郎能下榻華月復留人 浪遊 清明過王郎中學甫時園桃始花留酌 送唐儀部還瓊州

夕色日月 二百 前還三徑楊帆更五湖相將好歸去莫嘆歲華祖 司馭巡畿旬飛旌指戍樓共傳天馬異寧復大宛求月 永夜愁欹枕天涯一病夫候蟲當砌亂秋月傍樓孙来 既民吾冷風生首 宿秋張衡有詞賦獨繁漢家曼 上白茅屋雲邊青石丘還從物外侶靈藥好相求 李行人元樹宅同謝張二內翰話洞庭湖 送張太僕熙伯視馬畿內 秋夜東仲元仁 四溟集 回

金牙口周全書 南望岳陽郡營茫吳楚分帆迴孤島樹樓出九江雲落 詞客家何處西南是岳州地連湘樹闊湖共楚天浮極 送君不可住霜露滿幽襟醉後登樓賦天涯抱玉心江 Ð 日風煙夕驚心鴻雁秋君山更竒絕應待子長遊 "開晚色海樹帶秋陰歸去鶴亭上遥聽吳會吟 浪中沒秋風天外間何時采頻藻湖上吊湘君 送朱邦憲還上海

餘澗草歇日上石林空多少長征客髙秋感塞鴻 遙遙度關塞策馬正西風驛路泉聲裏人家嵐氣中霜 居庸關二首

斷雲飛逈關長鳥度運當朝有魏尚復此駐旌旗 控海幽與地勢弓豪俠兒秋山牧馬處朔塞用兵時嶺 春夜過王侍御子梁宅時將按河南得韻二首

四溪集

接非吾事疏狂見客心因思故山侣帳望白雲深 多定匹库全書 雲飄祖席御柳駐征縣去後聽黃鳥芳菲誰共探 送君向河嶽歸思渺難堪回首鴻初北當歌月正南宫 共道芳春好其如老病侵誰同一樽酒時醉百花**陰**應 情别後重逸氣醉來多好去梁園道因風寄薜蘿 送趙元哲下第歸東阿 春日

往 江成遠别白首見相知欲賦三山勝茫茫不可期 劍閒星斗魚山静薛離東歸訪黄石吾道欲如何 海門春水發吳舫到何建芳草行吟處孤鴻入望時倉 久客山中夢孤懷月下歌青雲期賦就華髮感時過龍 年君別處梧葉正秋彫猶憶琴樽約曾同風雨宵寒 陳駕部錫柳來自錢塘舟次臨清適有汀州之 命貽書見懷用答

とこうら ここう

四深集

六

得銅章報翻今錦纜回天知有黄霸早遣渡江來 春酒不同醉春花空復開美人臨衛水客子滯無臺近 臨 金好四周全書 使君遇領部相對復何年海樹晓行外江離秋思邊城 空鳴雁急煙浦去帆送猶有天南夢相隨度海潮 百越地帆盡七閩天見說春風早梅花可更傳 端午集吳郎中峻伯宅得山字 四


隐潼闊樹堂流華嶽雲不知松月下誰與坐宵分 與市 離歌動殊非故國間清樽 聊共我 黃髮更憐君縣 深夜移官燭清風敞客筵鐘沉漢苑樹月度薊門天我 俗千年後無歌一醉問坐看新月色猶自傍西山 今節方牢落招攜慰旅類終絲憶兒女蒲酒話鄉關楚 愧謝莊賦人稱孫楚賢何當君筒飲醉向北窓眼 送趙少尹文甫之華陰 夏夜集涨員外文換宅得天字

欠己日 自公言

四溴集

×

響更深拆空明雪後山岩吟時倚杖不使客心間 驅車林壑晚不覺路縈迴鐘響禪扉近僧迎山火來登 光自清徽野色两平分不定中流影相知有片雲 西來倚杖處下有白鷗羣偶爾乘秋興翻然向夕曛溪 兵氣動嚴關機間漢騎還邊愁醒醉裹身事去留問亂 金五四月月十 將登五臺夜宿圭峰禪房 東橋為胡太僕賦 夜坐



雪猶平澗殘陽半在山相逢春尚淺楊柳木堪攀 别 征勝聞早發客自塞門歸天與烏樓樹城寒雪雅扉美 **時自天地静處即煙蘿白鳥忽飛去悠然一浩歌** 鄉園尚隔越寒暑又經過晚計身無補新交事轉多閒 金月正是月明 仍兩地春夢不相違獨賦關山月茫茫共素輝 後緘書少天驕數往還正憂烽火急翻美草茅閒積 留别陳大參粹中二首 卷四

棄官依白嶽歲月此棲建道侶類相過丹經久自知心 間虎嘯處步緩鶴隨時倚杖看晴色前峰又采芝 寄太和山何隱君二首

園中緑已暗寂寞問花神興託清樽酒愁欺白髮入山 樹鄰着壑間雲澹碧空能談非静者真意幾人同 太乙壇前客挑花十度紅幽樓片石定元氣四時通古 雨後立夏

赵己日白 1

四演集

歸 毎分四月分書 鶴翩翻下帆牆歷歷分楚童能艷曲不使水曹聞 河 城初雨過天地尚餘春又與東風別堪嗟羁旅身 粉署當形勝虛懷誰似君樹凉沙市雨江白渚宫雲鶴 湘竹外城對楚江邊去住何須嘆荆王自下賢 汾春色過此别路三千旅夢關山月鄉心風雨天馬 送薛逸人歸荆南 **北園同孔老賦得風字** 寄徐水部有和

夕己日 自社 劇三秋賦年衰幾日在今宵話離合風露滿衣裳 緑草夾階長憑軒共晚凉鳥聲投頭樹霞影熊清觴興 庭回爽氣風雨失殘更多少人敬枕中心别有管 夜來殊不寐百感古今情道在楚騷重年衰與俠輕軒 樓偏夕照深竹自凉風試問今秋興還添菊幾散 悠然雲在空此意許誰同身出軟名外心歸恬澹中島 宋伯鎮招飲署中賦得長字 夜雨 四溴集

驛 金 戶四月子言 積雨空階滿開軒幽與深半愈低晚月幾處告秋陰已 凉槐雨滴月暗草蟲吟歸夢不知路千山雲更深 倦 燈分與色野館滞秋陰已倦衰年事偏馳故國心夜 月天多雨霏霏日夜寒西山改氣色北斗失闌干 間路能間詩外心還帽多此癖目静老山林 積雨感懷 雨後早起 秋雨宿權店驛有感

火己日月 上午 带雪幾歸鳥蕭然集舊柯樹明春意早庭敞暮寒多綠 醑同梁苑清才亚郢歌還期看山色天外玉嵳栽 劇催銀学詩成轉玉繩地非廬霍勝天許著名僧 皎皎東林月初看法鏡升殿沉中夜磬松隱上方燈興 計門常掩悲歌燈又殘可憐黃菊老幾向病中看 李園暮雪同鎮康安慶二王偶成 初冬十五夜雲洲文招遊東林得僧字 冬夜昭覺禪院示萬燈上人 四演集

客惟深醉燕姬自盛妆幾回青夢裏聽雨滴糟狀 路西淹晉神州北壯縣白雲樓上賦秋色滿萬筵 莫測文園志龍光簿海天遥知變化日稀見老成年客 尚憶高樓飲青帘出緑楊頻縣寧沮與浩唱不嗔狂謝 力剝諸障禪心通百靈臘同祇樹老春雨又青青 寄懷顏近湖比部 憶都門酒家王四

金好四月有意

衲燈前補天寒霜滿庭不眠中夜偈早起半函經慧

鳥安庭樹秋光照野塘何時問幽寂歲抄正冰霜 建業元佳麗風流況有君妖童隔花唱醉客倚樓聞清 别後幾重陽停雲渺帝鄉登禹同節序垂老各行藏夕 憶銅臺雪春憐金谷雲于今非官郊猶試實刀紋 氣奪三都賦聲驅六代詩春雲流碧落秋月照瓊枝獨 贈田深父 寄顧彭山別駕 九日寄懷田夢鶴兵憲

欠己可見という

四演集

覽中原勝還收太華 奇東山有狂客十里愧相知 久勢將雪天寒梅正花誰知獻賦意對爾一長嗟 騷侣夜同酌酣歌風月斜古人自風調今代幾名家客 金万世是 石河 異代懷三老風騷尚可親高名相照耀片石自嶙峋野 曠青雲暮臺空碧草春至今遺響在神鬼泣何人 吹臺用三賢適曾會于此 西亭中尉雅集 **| 秋夜潞陽旅館同馮員外言別得分字** 卷四

欠己可良 4.45 路當秋斷胡笳帶月悲曉來驚旅髻更益鏡中絲 燕趙多愁日兵戈未定時交游疏舊社僮僕問歸期驛 客亭逢此夕樽酒况同君月向中秋满人從上國分終 角寒雲外城鳥夜色中不知枕戈者愁絕竟誰功 河斜度影白鴈遠呼羣回首淮陽路相思隔海雲 月邊烽起燕闊入引弓檄飛三輔道氣激五都雄戊 秋日即事五首 四溴焦

金贝四周分量 **置嶂雲仍慘孤村鳥亦稀共嗟經鐵馬誰復守柴扉戰** 城山日在倚劍野雲深獨有長安客時時問提音 旅懷方索買秋氣重蕭森兵甲南歸夢妻孥北望心閉 生 何時偃甲兵多難滞無城寒館下桐葉秋風吹雨聲賈 今日淚宋玉昔年情共有龍庭策誰萬麟閣名 五 匹 卷四

とこの下にす 變兵戈後心推霜露間啼烏轉連切淚盡北邙山 數有超庭夢秋來益苦顏高原黄葉下洛日素車還髮 雲中嶽斷秋雨大河深猶憶老菜服空瞻松柏林 漢南驚便火洛下報東音去去思親淚遅遲憂國心暮 地生寒色在旗亂夕暉墨思漢飛將逐北過金徵 送吳駕部子有奔喪洛中 九日集徐郎中汝思宅得盃字 四溴集

金月四届手 兼宫樹變鴈自塞門來賴是同心者深知廋信哀 連冰留昨夜九日復筵開白髮愁中賦黃花亂後盃霜 東籬何寂寞不似去年秋萬帯凄凉色人經離亂愁風 庭寒影動霜院晚香流容裏重陽過悲歌獨未休 兵去人心定相逢話此生亂離俱是客去住各含情沁 沉鸞影秦臺斷屬聲眼中惟二子且復醉無城 馬子端王門臣見遇因懷崔都尉 對菊

とこうえ ここう 落金塘水青飄玉砌塵傷心有琴瑟寂寞漢宫春 **芳樹花爭發媽然故向人相看終日媚一摘暫時新影** 風塵芳客計詞賦寄鄉愁應避燕山雪人經都地秋幾 批陶潛酒心憂阮籍詩千山芳蕙歇策杖復何之 見同懷侣悠然獨夜思風凄聞角處月落倚樓時計 郭下秋懷 芳樹 秋夜 田彩集

多页四月至書 花發上林時君行我在茲三春不相見千里自同思白 髮留無市青頻寄楚詞郡樓應獨眼未擬北來期 碧山留大老客子幾番來站杵鳴秋郭風塵上晚臺孙 懷惟短劍萬事且深杯東閣多賢士寧遺作賦才 年多放浪萬古自沉浮抱滕成孤嘯奢凉月近樓 奉和崔後渠祭酒見贈 寄靳太守子魯 題蕭鴻臚文萃園亭

京國論交久知君道氣存買書無積俸好客有閒園月 紀己日直合 樽成露坐作賦侍秋期還凝梁園夜鄒枚况在茲 聞道干城將頻年未解顏身危征戰後名定是非間海 月窺龍劍沙雲接鴈山誰憐趙充國白首卧榆關 近池邊榻雲低花下樽偶來堪避俗何必問挑源 山不見月玉笛未須吹水暗魚龍窟雲深鳥鵲枝開 夜集孫郎中文撰宅賦得月字 寄趙總戎公僎 四沒集

星耿秋漢鳴析亂寒宵忽憶山中桂清霜葉又凋 荒村回遠火古 縣駐 征 報達 替人間老 洋蹤 薊北 追繁 金分四月百里 蟲驚節序立馬問邊庭潦倒還詞賦徒慙兩髻星 歇馬空山夕勞歌塞上歸野霜明古劍峽月冷秋衣坐 石門西去道煙色樹冥冥秋草地全白夕陽山更青聞 石門秋夜有懷 赴石門峽 秋夜同應駕部瑞伯宿三河驛得宵字

城西六月暮笛裹萬山秋野水天光净沙汀日色浮清 とこうえ 酒即生計狂歌任歲華異時懷杜甫老病滞三巴 裏蛩蛩亂愁邊烏鵲飛酒杯時在手不與故人揮 漢漢春天雨冥冥晚樹花山雲迷客路海燕落人家濁 即泛泛白鳥任悠悠逸少今十載何人復勝遊 春雨感懷 夏日同武元康劉復之杜約夫萬金渠流觴 送吕武官宗變入蜀 1.11

多定四库全書 野田聊獨步風物漫幽思地逈秋山出天空暮雨垂石 太行秋色老步傑一探竒草白髙數殿山空王母祠飛 梁間鶴鶴水國静蛟螭曠士成衰謝寧無狗監知 泉堪倚杖落日尚揮巵松外浮雲去幽人意獨遲 西蜀有揚馬君才當此行幾年懷勝迹今日慰平生地 黄牛峽江連白帝城停縣勒銘處獨見古人情 獨步 幕秋同馮直卿秦廷獻李士美遊黄花山

露垂瑶草秋風掃石苔子長躭勝絕猿鳥莫相猜 深入黄花谷高臨玉女臺迎人十嶂出隨意一樽開寒 雲藏怪石空壑下清湍底事林間鶴棲棲刷羽翰 髙崕翻槲葉白日雨聲寒共愛秋山好其如芳蔥殘亂 野千重壁飛空百丈泉松門臨巨壑石閣架長煙月 宿黄花寺

火 己口巨人公司

四溴集

花時招酒伴幾度北林遊改席依岩樹鳴琴對碧流天 高微月出沙逈斷煙浮明日還來與垂竿杜岩洲 野流春氣高峰駐夕曛芳時不可負寄語孟於軍 沙暖青蒲出山晴碧樹分琴樽間傍水杖獲獨披雲曠 金分正居台電 惟清楚林中有静緣此心元不染秋水照青道 北 園 同劉國藩夜酌 寄郭太史質夫 春日遊清凉山東孟徳用

思窺丹竈鮫人識羽衣相從渺何許秋月見餘輝 直北京華地優郎足勝遊雲低金闕暮月動玉堂秋並 液秋光冷長門夜月低流鶯何意思飛過披庭西 無那琵琶曲重彈調轉連自傷傾國色故作背人啼 **詔傳天語題詩見國憂茫茫湖海上有客寄漁舟** 上安期子飄然與世違三丘來來樂萬里躡雲歸山 懷便吟 題背面美人圖

人三日三 八十

四冥人

紫花何太媚静女岩為看影動藻權晓香沉煙雨寒芳 雪少四月石書 百戰多枯骨秋高白草深飛鵰盤大漠嘶馬振長林柔 五陵豪俠士意氣欲橫天出入長躭酒交游不惜錢關 遠君王徳封侯壯士心華夷自有限邊徼莫相侵 雞輸寶劍逐兔落金鞭動說成功易如今又幾年 塞上曲 俠客行 丁香

处己日年11年 旅次騰寒食流年弩有華春風吹燕子初日照梨花丘 菲心有託零落思無端一采歸金屋春深莫倚閱 野開三殿黃河集萬艘竟陵恐遲暮原廟薦櫻桃 權天邊淚江湖夢裏家古來詞賦客柘落但長嗟 大道軍容肅中天王氣高風雲隨鳳輦日月動龍袍綠 寒食 南巡歌二首 四溟集

故端居外天真獨卧中平生愛疏廣今古幾人同 興題蒼壁長歌坐碧苔好為猿鶴主聞醉百年杯 堅林最逃處亂泉風雨來雲中山路轉樹裏石門開高 多好四周分章 茅宇依泉石遊心自太空簷垂松葉露門掩稻花風世 南楚旌旗合黃壓走百官天王重巡幸民物識艱難馳 道春風動行宫夜月寒萬年垂拱意歌頌入長安 題 同馮汝隆萬泉山 何柏齊侍即山居

义己可巨 白馬 山昏雲到地江白雨連天鴻鴈寒無賴芙蓉秋可憐旅 鏡嗟衰白銜杯任陸汎子雲多著述百代有知音 寥若天涯客誰堪秋氣深風煙凄大野霜日净空林對 鳳鳴琪樹秋花照玉壺洞庭騷雅會知爾說在夫 壮三吳地天開五截圖神文江月與目極海雲孙老 酹五嶽山人黄勉之見寄 秋興四首 四溟集

多分口屋石書 **嘯歌谁會意風色動嚴城天夕孤鴻過山秋萬樹鳴故** 首誰同醉黃花祗自看吾生真浪迹滄海一漁竿 懷須痛飲世事且高眠京图迷茫外空歌美女篇) 曠縣燕老庭空蟋蟀寒山河秋瑟瑟風露夜漫漫白 湖海夢遊子歲時情坐惜瑶芳歇空除又月明 伏枕 四

次 己四事を与 劍横霜冷琱弓抱月閒于今多上將談笑定天山 朔漢名王追長城候騎還丁男空郡國甲士壮邊關玉 伏枕無窮事虚堂秋夜深松低半窓月山静數家砧老 下百蟲伏風前孤鳥悲蒼生憂悴日獨有老臣知 野曠煙萬重山深杖優運詢花留晚色松樹挺寒枝霜 鶴同幽意寒蜇伴告吟百年兒女計誰識尚平心 晚秋呈崔後渠侍郎 北塞 四溴集 Ī

煮樂花朝過中宵坐黯然樓空萬井月樹合九門煙多 業兵戈後年光客旅中雲林千古意寂寞幾英雄 細雨秋山净寒煙暮野空龍蟠無濁水鳳宿有孤桐世 **告木横西極熙魚鼓北溟壯圖雙髻黑不寐一燈青曙** 病還詞賦孤懷且歲年滄江有白鳥來往釣磯邊 秋懷東衛子涵 酹馬子端 春日都下言懷 卷四 醉瑶京酒天成紫閉文廣除多皓月改席坐宵分 勝地成高會雲和度曲時石花明院落一鳥下臺池待 月仍呼酒看山共賦詩鳳城春色暮莫負牡丹期 月低花苑春煙澹石屛上公開閉日暫爾謝山靈 石高於屋名香寫若雲笙鏞間清響花草雜幽於人 崔太傅北園同張光禄友衡陳禮部子發聞人 同內閣張友衛張文光二公飲崔京山園亭 禮部元科吳大理希明得詩字

欠こうこれ こここ

四溪集

Ī

乱员四库全書 石垂蘭葉清池出編花水曹同取醉庭宇落殘霞 肚馬淇門夕堂空暑氣祖亂雲關樹暝寒雨驛燈孤身 日暮重門寂風凉獨樹斜一樽元亮宅萬卷子雲家白 即時序鄉心復道途何當報知己秋鴈滿江湖 宿其門驛懷孫方伯性甫王憲副廷瞻江少於伯 夏日崔西峨宅同張水部德楊醉賦 表兄周平基書至 陽

童催老大物候感沉淪何限長限柳青青又向人 とこりる ここる 雲虚夜館落月曠秋臺鴻鴈飛何處相思賦七哀 我遊京國去君向都城來自拂燈前劍能傳花下杯停 異鄉今日酒無那客愁新風落千林雪天迴萬谷春兒 兄弟成脩阻霜空一鴈過桑麻懷故國煙月夢西河短 徘徊意孤樽慷慨歌相思秋又暮白髮竟誰多 元日 寄王東畬 四溴集 禹

南 歌風振木起舞月臨臺欲刻蘇門石慙非謝朓才 多片四库全世 雨後小園净 豆花寒更開客中秋序過燈下鴈聲來 好山同一賞行坐有每苔潭上逃花照樽前白鳥來放 月照瑶瑟靈風吹綺裳那知告調罷楚客立蒼茫 國動與思看洲學緑芳九嶷雲物夕帝女怨滿湘華 雨後東張宗昭 同李汝錫馬伯齡遊蘇門山東王明府 古意

处己日后 125 方身計拙無病旅愁輕仲蔚深知已悠悠江漢情 满天 風槭槭木葉下山城夜静羣蟲響秋高片月清多 栗里堪同隐豪梁復 共山人 慢催詩句疏狂但酒杯故人期不至凉月滿高臺 野興 秋夜柬張崇徳 過山叟 醉間隨牧子歌還憐夜色好星月湛滄沒 一過衡門開緑野石壁帶青雜偶 四深集 Ī

計身多病生涯劈易蒼征鴻向何許春意徧湖湘 物誅求際邊陲戰役餘濟時須大老其戀草玄盧 行客度河甸空林寒日初風高脆浦常水落困龍魚民 晚山精伏時清野父歌短笻隨我意一徑入煙籬 我好四年全書 坐嘯南樓夜孤燈客思長人吹五更笛月照萬家霜歸 白 日霜凝地飛飛為度河孤峰依漢迫老樹得秋多月 過儀封呈大司馬王浚川 大梁冬夜

雲横上國獨鳥下西秦無奈懷君意清江採緑蘋 楊花日飄蕩能復幾何春遠道寧知妄流年不待人片 閒翡翠幕月冷杜鵑枝蕩子復何處楊花無定時 **高樓俯江樹樓上有蛾眉舊約空成歎新愁可訴誰春** 緑巅時復採獨立轉深愁憶昔郎船去極天江水流玉 古怨 四溴集 五

てこうこしここ

動定四庫全書 歌惟勝地快意幾芳辰醉殺高陽客花前倒葛巾 南園鳴布穀煙雨萬家春庭草亂依榻山雲低傍人 華悲杜甫世故老虞狗龍劍應相合雲霄無限情 野風吹客袂感慨一登城孤鳥日邊沒大河天外傾年 環應自佩金谷謾長遊可惜鉛華落西風入畫樓 登城有感奉寄江寧王懷易 渡黄河 春日同雙泉清泉湧泉西泉四將軍園酌 八當

路出大梁城開河開晚睛日翻龍窟動風掃鴈沙平倚 劍嗟身事張帆快旅情茫茫不知處空外權歌聲 日横孤嶂清風滿太虚與高歸去晚池上采笑渠 萬竹生秋意林園六月初騷人宜物色樽酒坐庭除盜 集孟得之園亭 秋日洹上書懷

とこうことに

花欺老髫林酒勝浮名我愛桐江叟漁罕不世情

四溴集

Ī

水邊沙草合林外石橋橫雲漫三秋色河流萬古聲野

海 多定匹库全書 紫閣登臨處秋光入品題窓吞河嶽盡簷壓斗牛低客 共向東 園酌葫蘆秋正花十畦散流水萬木帶飛霞碧 路孤城外仙壇萬翁西浮丘分袂後望斷白雲梯 曾識京西路名山梵帝家殷高千嶺樹地落半天霞空 仙人島玄都道士家未應騎鶴去即此話丹砂 懐玉清閣 同李元博攜酒訪岐南道人 懷香山寺

倚雲霄逈旗連海霧長無然一片石終古有餘光 とこうう 佐多道路慷慨幾交游誰識熊歌處孤雲傍酒樓 君來都城雪君去薊門秋生計疏鄉信歸期減客愁光 月邊烽動三河兵氣揚乘秋發猛士計日縛名王劍 鐘聲徹雲邊塔影斜老禪相對處笑指白蓮花 送劉愈憲才南北伐 送杜敬夫有事 顯陵 送朱君歸都下 7.1.5 四溴集 Ŧ

草山開實地憶告杖藜過石洞餘冰雪巖泉净薛雜虚 多定四母全書 空塵慮盡疏散勝緣多敬結東林社相依老洞阿 匹馬飛千里孤帆截九河天南郢州道月下楚人歌陵 廟揪梧冷江城雲霧多萬年帝靈在神思護山河 好多風雅園林復此遊天邊數峰出臺下一河流浦 同 懷碧雲寺 醉赋 鄒汝鄰張伊梁李元博飲申幼川北園登臺

少足四百年二 賞雙林外高歌萬壑間人生竟多事此地幾登攀 華髮紫微郎鳴鞭下帝鄉萬鱸新味美丘壟故思長海 騷客同今夕當杯意思間天風入古樹海月到空山勝 樹籠蒼靄霜花照素秋騷人嗅芳意莫訝為時憂 國連秋氣江皋帶晚方興來一鼓 抴龍與詠滄浪 秋夜寄郭黄州 同陳石卿夜酌善應山 送王中書嘉廣歸海陵 四演集

金吳口屋自門 光間鸛鶴秋色净芙蓉月下長安夢楓橋夜半鐘 髮增長嘆黄花伴索居夜深風露下猶自立前除 久别多遐思驚心夜半鴻霜雅都臺冷月照楚江空感 南國美人别長懷相見初不傳萬里信聞殺九江魚白 慨三秋過後求萬邑同細侯深有意即爾託長風 同衰不相見憶告薊門塗送別吳帆遠倉思與樹重湖 有懷 寄孫堯峰把總

管春風裏松楸晚照邊人家幾歌哭雜盡白頭年 处已日下 高雲影外心悟磬聲餘每過論三昧無今禪楊虚 勝地闔問國常波范蠡船山通轉折路湖抱混茫天經 樢 酒出偶爾隨意是端居垂老詩猶進能狂禮不疏與 張二守鳴遠構酒夜過禪房率爾賦贈 吳下洞庭兩山詩客每從予遊四十年來凋敝 寄楊中丞伯謙 盡矣率成短律用志悲感 四溪集

盡西山逈雲間朔漠空樵蘇幸無事四野共春風 清標憐水部南去意何窮樹色分淮甸河流見禹功亂 復此歲將盡烏啼霜滿城孤燈千里客夜半兩年情北 晉俗猶秦俗君來化自同多憂關大計兩鎮得全功雪 望邊愁劇西來髫髮更乘春發驄馬猶自問蒼生 帆春草外古堪袋雲中感概登臺處蕭蕭起大風 和 送欽水部子辰之沛中 王侍御沁陽再逢除夕

曠矣青雲路凄其白髮年病多還自遣賦就幾人憐三 孫瞻絲節候吏走黃塵想過仲宣宅還憐作賦人 とこうえ 徑迷秋州孤鴻斷雪天相期九節杖定訪十洲仙 仙郎寵命新向晓發征輪去路梁園雪歸期與谷春王 何處看春色江城花鳥繁射洪一樽罷騷雅幾人存日 寄北海馮汝強 送王行人維藩使汝南 送徐比部汝思使蜀中 四溴集 Ē

雲花外度幽鳥水邊多更擬池亭上相將采芰荷 多页四厚全書 塞雙旌轉風霜一刻懸勞歌對明月江上幾回圓 春草徧三川征輅入蜀年棧通星使路嶺斷夜郎天闡 下銅山静雲連赤岸昏更憐陳正字零落獄中意 門聯轡出此地訪煙離共酌清樽酒還成白苧歌春 春日同李于鱗王元美比部集韋氏水亭得韻 首

山百戰地桑柘幾人家縱有明春約還看何處花 我來 憑水機坐久夕陽斜即復祛塵事相將攬物華河

浦還垂釣山房欲問禪客中逃事少獨愧白頭年 古道一鳴鞭蒼茫雨後天湖明春草外寺隠暮雲邊野 春遊 和王比部元美喜游人盧梅冤雪之作

春從都律動近得破愁顏心事孤燈下年光萬死間賦

四次集

とこりも こう

策馬齊中道行當佐郡憂城連岱雲起地接海天浮風 多好四母全書 稅徵兵日星霜報國秋有懷時北望寒鴈下河洲 逼青霞舒泥深白石橋月明應不負樽酒聽吹簫 **目静依山侣同懷復見招三花煙雨隔一鶴洞天遥寒** 成餘白髮自在有青山共爾煙霞約飄然去不還 朱郎中伯鄰養疴道院雨中見召賦此答之 送將判官子重之泰安 送蘇子冲之雲中

使星昨夜轉車騎入長安共喜傳觞好猶言行路難與 鄉還自賦東燭且同遊潦倒誰招隱淮南桂樹幽 客居度煩暑仙館得清秋華露凉浮動明河夜轉流思 旗閒塞上笳鼓静雲中試看和戎後誰沒不戰功 翩翩蘇季子征馬獨嘶風路轉河聲近星搖劍氣雄旌 季夏夜過郭學士質夫館得流字 同沈禹文周君可二參軍集章子吉參軍宅時 章景南行人至自上黨即席賦此

足己日年1115

四溴集

H

闕雲霄外金門日月邊疏在無趙客早晚賦甘泉 李郭風驗匹登樓獨悵然黃花秋滿地白鴈夕横天玉 暗流凿過樓明缺月來新豐能幾醉騎馬故建回 磊落閩中彦沉淪吳下才相看成別賦一笑且深盃庭 聲風外斷槐色雨中寒起舞蒼龍劍光芒幾度看 夏夜鄒参政君哲宅陪餞皇甫別駕得才字 登樓北望懷郭學士質夫李吏部一元 夏日大雨

明 秋生一葉初搖落重愁予宋玉悲何晚松康計亦疏星 醉江花日行歌嶺樹秋向平元有約南盡白雲遊 天地此生浮貪名豈道流何為兒女計徒遣歲時憂取 間成久卧氣爽得新詩車馬訪巡獨衝泥竟有誰 樓動秋意風雨忽來時暗失黃塵陌平開緑草池朝 孤劍動月白小樓虚為憶同心者天涯未報書 遣懷 立秋夜有感

欠三日三 Litis

四次非

Ī

銀好四母全書 誰種此亭竹當樽一問君相看成野意自覺遠塵氛逃 樹秋先老浮雲畫欲陰况進憂國際誰為訪山林 病各掩扉卧時聞車馬臨幾來燕市裏能識魯生心獨 肚西山月秋生北塞雲他時重相憶惆悵幾宵分 無那天涯别寒蛩可更聞燭花還對我尊酒暫同君夜 張少參子明見過 秋夜石户曹君采宅留别得雲字 牽景南署中對竹

裹疏身計天涯得友生後期無定所江海共含情 欠こうら 負金樽酒那成寶劍篇病來扶上馬歸向小樓眼 客醉黃花月堂開白雪天重城輝夜色老樹奪春妍已 色霜前見秋聲月下聞醉來堪隱几清夢入湘雲 銅漏夜初澁冰壺韻轉清月澄天漢影風落禁鐘聲病 高比部伯宗宅夜集得清字 秋夜雪後同王給事以寧集胡進士文澂宅予病 先歸 / this 四演集 F

夜過成都容風流美長卿壺鶴移燭影山水入琴聲庭 金好四屆全書 敞風初斷天寒月更明他時軒冕會應記群羅情 低姑射嶺雲抱帝堯祠幾為看汾水東流寄所思 憐燕市別才羨洛陽奇春色迎慘動民情到郡知天 送盧司業濬卿再赴南都 送劉推官子禮之平陽 冬夜同徐比部子與吳舍人明可聽張肖南鼓琴 得聲字

歌還楚調扶醉有巴童上苑遥相問梅花定幾叢 初逢青瑣彦下榻一宵同月落恭聲裏春回燭影中放 官心自遠六代賦同傳何異碧山下蕭條著述年 陽城復南去歲晚上吳船寒盡秣陵雪春浮楊子天 久慙 懷刺年衰可著書君仍金馬詔吾竟白雲居 相憶江湖逐相逢京國初羽觴春欲動宫漏夜何如客 冬夜黃給事用童宅同張肖甫賦得中字 四溟集

欠己の事人的

我分正是石里 動 何 即近小居幾乘載圖書鄰里通名後牆頭過酒初漏 烟霞色沙留杖隱痕向來樗散意一醉任乾坤 物清人思西山對郭門漁樵春草路雞犬夕陽村水 丹禁遠燭動碧窓虚補家才無暇明朝向石渠 四溟集卷四 吳舎人明可徒居同徐子與劉子成二比部夜 日過山村漫興 集得書字